

tur : Væ Pastoribus Israël ! qui pascebant semetipos , nonne greges à pastoribus pascuntur ? lac comedebatis , & lanis operiebamini , & quod crassum erat , occidebatis , gregem autem meum non pascebatis. Quod infirmum fuit , non consolidastis ; & quod agrotum non sanastis ; quod confractum est , non alligastis ; & quod abiectum est , non reduxistis , &c.

---

## CAPUT VI.

*De fine & spiritu proprio ac peculiari Statui Parochiali.*

**Q**uemadmodum omnis Statutus à D E O inspiratus proprio suo Spiritu & intentione du-

ducitur , finēmque peculiarem  
sibi propositum habet ; ita Status  
parochialis ex instinctu Spir-  
tūs S. à Dionysio Papā institutus  
singulari quoque Spiritu vivi-  
ficatur, quo quisquis caret, Paro-  
chus verè non est , sed larva Pa-  
rochi & simulachrum animā suā  
destitutum. Consistit autem hic  
proprius Parochorum finis , In-  
tentio, & Spiritus in eo, ut se cum  
Apostolo 2. Cor. 12. totos impen-  
dant & super impendant ad DEI  
Creatoris sui gloriam , animarum  
salutem , & publicam Christianæ  
Reipublicæ utilitatem, sub directi-  
one Episcopi , illique strenuos se se  
Cooperatores in Ecclesiā DEI ex-  
hibeant , non quārentes in aliquo  
quæ sua sunt , sed solum quæ JE-  
SU Christi.

Dixi i.

Dixi 1. *Sub directione Episcopi.* Sunt enim Parochi veluti brachia & manus Episcopi in gubernatione suæ Ecclesiæ , & eundem cum Episcopo finem habent, eodemque Spiritu aguntur : unde sicut brachia & manus non moventur ad quid amplectendum vel dimittendum , nisi ex imperio Capitis, ita Parochi in acceptandis vel dimittendis beneficijs ex nutu Capitis sui , quod est Episcopus, omnimodè dependere , ejusdemque plenariam dispositionem cum verà in indifferentiâ & humilitate expectare , non verò illam per Patrocinia vel precum importunitatem extorquere debent.

Dixi 2.

Dixi 2. *Non querentes in aliquo quæ sua sunt, sed solum quæ JESU Christi.* Ad innuendum, quod illi hoc Spiritu Pastorali non agantur, qui veram indifferentiam ad omnia loca, conditiones, officia, & functiones non habent, sed libentius in Urbibus quam in Pagis Parochias obtinent, pinguësque conditiones tenuioribus, quietas laboriosis, honorificas minus nobilibus præferunt: Satis enim significant, se omnia alia querere quam animas, utpote quæ in Pagis æque pretiosæ existunt, quam in Civitatibus, & celebrioribus locis. Veri Parochi vox est: *da mihi animas; cetera tolle tibi.* Gen. 14. v. 21.

CA-